

M. Sebastiani Artomedis.

wol bleiben bis in die gruben hinein/ das helffe im Chris-
tus vmb seines allerheiligsten Namens willen.

Wie ich auch tröstlicher hoffnung bin / diese gering-
schätzige Catechismus Predigt sol bey fromen / Gottes-
fürchtigen / einfeltigen Christen (denn den gelerten / die
es vorhin besser wissen / ist weder geprediget noch gedru-
cket) nicht gar ohne nutz abgehen / es sol auch diesem klei-
nen Schnee vnd sachten Regen gelingen / vnd dadurch
mancher heiliger Gottesacker befeuchtet vnd fruchtbar
gemacht werden: Also hoff vnd getraw ich auch vnters-
thenigst / E. F. D. sollen in gleichen meine Christliche
trew hertzige wolmeinung in gnaden vermercken / mein
vnd meiner lieben Pfarrkinder gnedigster Fürst vnd
Herr sein vnd bleiben / darumb ich auch vnterthenigst
wil gebeten haben. Thue hiemit E. F. D. sampt ders-
selben hochlöblichen Christlichen Gemahl in Gottes
gnedigen Schutz vnd Schirm / vnd mich denselben zu
gnaden treulichst vnd vnterthenigst befehlen. Gegeben
im Kneiphoff Königsberg Dominica Quasimodogenito-
rum vnter die ich mich von hertzen bekenne / Anno 1591.

E. F. D.

Vntertheniger gehorsam-
mer Knecht

Sebastianus Artomedes.